

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

- 1. Greenland Airports A/S-imi siulersuisut nutaat qassit Kalaallit Nunaanneersuuppat?**
- 2. Naalakkersuisut isumaqarpat Kalaallit Nunaanniit Inuit immikkut ittumik piginnaasaqanngitsut Greenland Airports A/S-imi aqutsisunut ilaasortanngornissamut?**
- 3. Kalaallit Nunaanniit Inuit qanoq amerlatigisut nBoard ApS-imit siunnersuutigineqarpat, ilaatigut bestyrelser.gl aqutigalugu innersuunneqarsimappat?**
- 4. Naalakkersuisut qanoq annertutigisumik akiliisimappat, ilanngullugu Aqutsisunut Allattoqarfik, nBoard ApS-imut, GAIR A/S-imi aqutsisunut siunnersuuteqarnermut atatillugu?**
- 5. nBoard ApS-imut tunngatillugu (bestyrelser.gl ilanngullugu)**
 - a) Kalaallit Nunaanni suliffeqarfiua?**
 - b) Kalaallit Nunaannit pigineqarpa?**
 - c) Naalakkersuisut suliffeqarfik Namminersornerullutik Oqartussanut aningaasartuutissanut pisarialittut isigaat?**
 - d) Pisortat suliffeqarfiutaasa nBoard ApS-imut, Naalakkersuisut qanoq annertutigisumik minnerpaamik ukiuni tallimani kingumut naatsorsuutigalugit aningaasartuutigisimasaat katillugit qassiuppat?**
- 6. Naalakkersuisut naammagisimaarinnissutigaat Danmark aqutsisunut ilaasortaminik allannguuteqannginneranut, naak Greenland Airports A/S-imi “akuersaarneqarsinnaanngitsumik inissisimagaluartut?**

(Inatsisartunut ilaasortaq Pele Broberg, Naleraq)

Tunngavilersuutit:

Naalakkersuisut pisortatigoortumik suliffeqarfirmut Greenland Airports A/S-imut aqutsisunut ilaasortat allanngortinneqarsinnaasut allanngortissimavaat, amerlanerpaartaat inuiaqatigiitsinniit takkuttuunngikkaluartut.

Tassa imaappoq, Naalakkersuisut upperinngilaat suliffeqarfik inuiaqatigiinnit pigineqartoq inuiaqatigiinneersunit kalaallinit Inunnit sinniisoqarsinnaasoq, kisiannili avataaneersunik peqartariaqartoq.

Suli taamatuttaaq Danmarkip naalagaaffiata siulersuisuni ilaasortani allannguiffigerusunngilaat, naak taakku aamma annertuumik suliffeqarfiup ingerlaneranut ajortumillu ingerlatsinermut peqataagaluartut.

Apeqqutit taakku apeqqutigineqartut sooq Naalakkersuisut Kalaallinit Inunnut upperinninnginnersut, aalajangernerlu tamanna qanoq akeqarsimanersoq.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.